



VISCHNAUNCA
DISENTIS | MUSTÉR



«CROSSIETY - TABLA NERA DIGITALA» NOVA PLATTAFUORMA COMMUNALA

Cun igl 1. da settember 2025 ha la vischnaunca introdcu ina nova plattafuorma sco tabla nera digitala per habitont(a)s, uniuns e fatschentas. L'applicaziun «Crossiety» vegn messa a disposiziun a tuts interessents per rinforzar la cuminonza sociala sco era per simplificar il brat d'informaziuns en vischnaunca.

Communicaziun per in e scadin

La plattafuorma duess rinforzar la cuminonza sociala e simplificar il brat d'informaziuns en vischnaunca.

Cun ils avis (push) che cumparan immediatamein sin Vies telefonin, munchenteis Vus neginas informaziuns arisguard temas sco serrada da vias, resultats da votaziuns ed elecziuns, publicaziuns, e.a.v.

Video da scolaziun

www.crossiety.ch/schulungsvideos

Tgei ei «Crossiety»?

- In mied d'informaziun per novitads ed occurrenzas en nossa vischnaunca.
- Ina piazza da fiera digitala per artechels e purschidas enteifer la vischnaunca.
- Ina plattafuorma surveseivla da seprentar per uniuns, pil commerci indigen e per cuminonzas d'interess.
- Ina plattafuorma per brattar informaziuns, organisar occurrenzas e parter ideas.

Registraziun



Nus envidein Vus cordialmein da daventar ina part dalla plattafuorma communal digitala. L'applicaziun «Crossiety» ei per in e scadin gratuita e sa vegnir installada sur igl App Store ni Google Play Store (ni sut www.crossiety.app). La registraziun ei nuncumplicada e pretenda sulettamein Vies liug da domicil.

Cun Vossa participaziun procureis Vus per in svilup en caussa comunicaziun e socialesser. Nus seleglassen d'astgar beneventar Vus beingleiti online en nossa cuminonza digitala.